

Samningur

mennta- og menningarmálaráðuneytis við Ungmennafélag Íslands um ráðstöfun rekstrarframlags í fjárlögum

Mennta- og menningarmálaráðuneyti, kt. 460269-2969, í samningi þessum nefnt ráðuneyti, og Ungmennafélags Íslands kt. 660269-5929 í samningi þessum nefnt UMFÍ, gera með sér svofelldan samning.

1. Markmið og starfsemi

1.1. Meginmarkmið með samningi þessum eru að:

- UMFÍ geti í samstarfi við aðildarfélög sín gefið sem flestum kost á að taka þátt í heilbrigðu félagsstarfi, standa fyrir iðkun íþróttá og stuðla að heilbrigðum lífsháttum og hollri hreyfingu. UMFÍ vinnur að forvarnarmálum og vinnur m.a. gegn neyslu áfengis, tóbaks og annarra vímuefna. UMFÍ vinnur á lýðræðislegan hátt að markmiðum sínum og aðildarfélaganna.

1.2. Starfsemi

- Starfsemi UMFÍ miðast að því að samræma starf aðildarfélaganna og auka samstarf þeirra á milli. UMFÍ veitir aðildarfélögum sínum aðstoð, stendur fyrir fræðslu til iðkenda og leiðtoga í starfi félaganna.
- Rekstur og umsjón ungmenna- og tómstundabúða að Laugum í Sælingsdal.
- Framkvæmd við unglíngalandsmót UMFÍ.
- Samtökin hafi aðgerðaráætlun ef upp koma mál er tengjast kynferðislegu ofbeldi eða einelti.
- Stuðningur ríkisins við starf UMFÍ tekur mið af uppeldislegu gildi starfsins og gildi starfsins í forvörnum.
- Aðilar taka mið að stefnumótun ráðuneytisins í íþróttamálum sem gefin var út árið 2011.
- Ráðuneytið vekur athygli á mikilvægi þess að samtökin vinni gegn hatursorðræðu á netmiðlum og í starfinu.

2. Forsendur samnings og lagaheimildir

- 2.1. Framlag ríkisins til samnings þessa er í fjárlögum 2016, 117.6 m.kr. Þar af er gert ráð fyrir framlagi til reksturs ungmenna- og tómstundabúða að Laugum í Sælingsdal og til unglíngalandsmóts UMFÍ og skal gera grein fyrir því framlagi sérstaklega í greinargerð til ráðuneytisins.
- 2.2. UMFÍ starfar samkvæmt lögum UMFÍ sem samþykkt voru á 49. Sambandsþingi UMFÍ 2015.
- 2.3. UMFÍ starfar í samræmi við lög og reglugerðir sem gilda um umsamda starfsemi og verkefni, en einnig eftir því sem við á eftir lögum og reglugerðum um rekstur aðila sem kostaðir eru að verulegu eða öllu leyti af framlögum ríkisins.

3. Ábyrgð

- 3.1. UMFÍ ber ábyrgð á starfsemi sem samningur þessi tekur til og að hún fullnægi kröfum um fagmennsku og gæði. UMFÍ skal geta lagt fram gögn og skýrslur þessu til staðfestingar, sé eftir því leitað.
- 3.2. UMFÍ ber ábyrgð á skuldbindingum sem það eða aðilar á þess vegum stofna til í tengslum við samning þennan.
- 3.3. UMFÍ er óheimilt að:
 - 3.3.1. Afhenda, án skriflegs samþykkis ráðuneytisins, réttindi sín og skyldur samkvæmt samningi þessum í hendur þriðja aðila.
 - 3.3.2. Framselja greiðslur skv. samningi þessum til þriðja aðila og setja með öðrum hætti til tryggingar fjárskuldbindingu skv. 45. gr. laga um samningsveð nr. 75/1997.

4. Upplýsingar, samskipti og eftirlit vegna fjármála

- 4.1. Ráðuneytið greiðir framlagið í tólf jöfnum hlutum fyrsta dag hvers mánaðar. Greitt er inn á bankareikning í viðskiptabanka UMFÍ.
- 4.2. UMFÍ skilar ráðuneytinu:
 - 4.2.1. Áætlun um rekstur og efnahag ásamt starfsáætlun, þar sem fram komi m.a. hvernig er áætlað að ráðstafa framlaginu og helstu starfsmarkmið sem unnið verður að fyrir lok mars.
 - 4.2.2. Endurskoðuðum ársreikningi ársins á undan með skýringum fyrir lok júní og skal afrit jafnframt sent Ríkisendurskoðun.
- 4.3. Eigi UMFÍ í viðskiptum við lögaðila sem það á eignarhluta í eða er í eigu fjárhagslegra tengdra aðila svo sem stjórnenda þess, eða annarra aðila, skulu þau fara fram á viðskiptalegum forsendum og gerð grein fyrir þeim í ársreikningi.

5. Upplýsingar, samskipti og eftirlit vegna verkefna

- 5.1. Ráðuneytið hefur eftirlit með framkvæmd samningsins.
- 5.2. Fulltrúar ráðuneytis og UMFÍ funda að lágmarki árlega um samninginn.
- 5.3. Fyrir lok nóvember skilar UMFÍ ráðuneytinu greinargerð um framkvæmd samningsins þar sem fram komi meðal annars hver staða verkefna er og hvernig framlagi var ráðstafað í samanburði við áætlun.
- 5.4. UMFÍ skilar ráðuneytinu upplýsingum sem það kallar eftir vegna opinberrar upplýsingagjafar.
- 5.5. UMFÍ veitir ráðuneytinu upplýsingar sem það kallar eftir vegna eftirlits með framkvæmd samningsins. Ráðuneytið hefur heimild til að gera sjálft eða fela öðrum að gera athuganir og úttektir á öllum eða einstaka þáttum í framkvæmd samningsins. Í því sambandi hefur það óheftan aðgang að öllum gögnum sem máli skipta.
- 5.6. Samning þennan, ársreikning UMFÍ greinargerð um framkvæmd samnings og úttektarskýrslur skal birta á vef UMFÍ jafnóðum og þessi gögn liggja fyrir. Ráðuneytinu er heimilt að birta gögnin á vef sínum.

6. Vanefndir og meðferð ágreinings

- 6.1. UMFÍ tilkynnir ráðuneytinu tafarlaus ef talinn er vafi leika á að það geti uppfyllt skyldur samkvæmt samningnum. Jafnframt er greint frá úrræðum sem það hyggst grípa til.
- 6.2. Ráðuneytinu er heimilt að draga úr greiðslum, stöðva greiðslur og endurkrefja um greiðslur uppfylli UMFÍ ekki skyldur sínar samkvæmt samningi þessum.

- 6.3. Samningsaðilar munu leitast við að jafna ágreining, ef einhver er, sín á milli.
6.4. Dómsmál sem rísa kann út af samningi þessum skal rekið fyrir Héraðsdómi Reykjavíkur.


7. Gildistími og lok samnings

- 7.1. Samningurinn gildir frá 1. janúar til 31. desember 2016.
7.2. Hvor aðili um sig getur óskað eftir því að einstök ákvæði samnings þessa eða samningurinn í heild verði tekinn til endurskoðunar, enda séu færð fyrir því efnisleg rök. Endurskoðun skal þá hefjast svo fljótt sem verða má.
7.3. Óski annar hvor aðila eftir að segja samningnum upp skal það gert skriflega með þriggja mánaða fyrirvara
7.4. Samningur þessi er gerður í tveimur samhljóða eintökum og heldur hvor aðili eintaki.

Reykjavík 9. mars 2016



Karitas H. Gunnarsdóttir,
starfandi ráðuneytisstjóri



Haukur Valtýsson, formaður UMFÍ